

閩侯縣志卷九十一

隱逸上

閩縣

五代

陳貺孤貧力學積書數千卷隱廬山幾四十年衣食之絕不以動心有季父為沙門時時賴其資給有詩數百首骨格強硬南唐主李景以幣徵之貺布裘鹿鞞進止閒肆獻景陽宮懷古詩景稱善欲授以官固辭乃賜粟帛遣還

沈貺叔南唐時與貺隱紫霄峰下力田自食能詩

宋

湛俞字仲謨寶元元年進士累官屯田郎中為本路轉運判官年五十休致居館前鄉人名其坊為旌隱尋復遷於城南宿猿洞三召不起

黃六有宋末游太學為諸公貴人重客逢世大亂貧不自活攜二子行五

閩侯縣志

九一 隱逸上

一

百里教學代耕聞有好善遺世者雖窮途懸崖邃谷必杖屨求見入元不仕與謝枋得相友善

元

林清避元不仕匿姓名隱居山寺太守一日入寺見清儀表不羣問能詩乎以八音為題清應聲云云太守驚異因與往來一夕論海濱人物因曰若林清者惜未見其人林不覺歎惜守曰君殆清耶林曰若清者安得見之此吾所以有感也明日訪之已不知所之矣

鍾耆德字元長家貧不娶教授生徒以養親晚經至正之亂舊業蕩盡親沒毀幾滅性與二弟明德順德處怡怡如也耆德博極羣書詩文雄渾明德字叔遠清詞懿行與兄偕隱

明

林枝字昌達父曰海仕元為莆陽學正及明興累辟不起遂以舊官戍鳳翔以死枝因絕意仕宦屏居方山之麓古平庄出其父書讀之自號古平

山人去城市遠獨永福王偁長樂王恭輩數人一歲再三過具蔬肴極談
談長乃去此數人或稱枝才枝急掩其口曰毋禍我我乃乞骸骨於諸公
口中有效顰集

陳璫字微仲號栢崖由福州遷居晉江性孝友不求聞達工詩詞宣德間
累薦不起人稱爲徵士

陳焯字文厚成化辛卯鄉貢士上計不偶遂斷家累去義谿十里營桐山
居之鑿池築塢植梅樹嘯咏其下興至引田父共酌有携筐筥芹簌來詣
者輒爲大醉工詩善草書達宦貴人求不能得屬田父野叟反得之晚築
樓雲樓自號樓雲叟與弟僉憲桂林方伯壘等結秋江夜泛之集

鄭心開字靜之諸生明亡入大士庵爲僧

張綸字道羽唐王入閩以恩貢生試策王謂其真實經濟可措施行授國
子監博士唐王敗杜門埽軌居父母喪哀毀骨立不茹酒肉終其身有田
租自給兵荒後佃通過半綸終不肯治之

閩侯縣志

九一

隱逸上

二

何其偉字梧子自號鼎石山人隆武開科中式鄉榜唐王敗流寓連江僧
帽道帔隱居教授自稱通民暇則抱甕灌園足跡不入城市

吳楷字子方諸生有文名唐王敗後隱鼓山湧泉寺側祝髮稱僧魯王
入閩鄉兵起有僧石田者擁萬人入鼓山楷怒罵之石田縛致堂下會得
解逸去既魯王敗楷終不出朋舊載酒游湧泉則訪冒僧與飲或貴人至
則弗與通其友王蘭仙爲置田十餘畝楷與子同耕作婦爲釀賣以自給
終身不入城市

方潤字具蒙諸生當唐王時時事曰非嘗重刊鐵函經晞髮集序而行之
以見志唐王敗潤隱居授徒自給

陳廷堪字允碩父國榘字次章舉唐王時鄉試廷堪年十五聞闖賊陷京
師恒於無人處涕泣及唐王敗復慟哭其父國榘欲爲論婚廷堪曰既無
國何家爲廷宗祧固有兄弟在遂不娶不易衣冠居招隱樓終身不下樓

清

葉瑛字子尚號一山少以諸生負文名屢困場屋順治三年始循資貢於學官時定制以貢入仕者上可得郡推次亦可守一縣而瑛以侍親不忍去膝下後終養亦竟不出入貢時署學政爲周亮工雅重之周內遷去督閩者與周忤摭閩事論劾牽引千人詞連瑛當逮訊刑部瑛神氣自若事白於舍後關一園終日栽花種樹寓其浩然之趣

陳叟者初從軍爲水部門總門軍有曠伍者總當坐杖叟白其長願除名以免杖遂去尺籍執竿行鬻琉璃光燈於市自其少年時蓄錢數萬爲娶婦計會其姊家坐馬價賠累鬻甥女作婢以償叟聞之罄所藏贖歸遂不果娶粗識字偶得十七史彈詞大好之常從閩縣蔡容叩所未識字容告以此特史事之涯畧耳尙有全史詳通鑑綱目中叟乃時用數錢從舊書肆購零本綱目一二冊雜閱之積久漸成部帙每過蔡氏輒倚竿於門出懷中書就問字間有議論時出人意表云

高支離狀矮黑面麻如蜂房下筆輒自贊文之高古如其人試官不知句

閩侯縣志

九一

隱逸上

三

讀李劍鐔佚其名入號鐵丐聰慧絕倫幼入邑庠睥睨無人短衣行歌市肆支離笑曰青衿城闕劍鐔拍手曰非支離耶遂與訂交曉風殘月躡敝屣吟矮巷中相與吃苦菜爲樂逮道光庚子以血疾卧牀上屬其友郭柏蒼生爲之傳劍鐔跣行爲謀殯斂具遂卒詩三十七首酷肖王無競

蔣思源字砥士晚號葢與少困場屋東南兵起事左宗棠於浙江幕府以勞叙得縣主簿又從宗棠援閩性嗜酒有餘貲酣飲累月宗棠移督陝甘召之行跪啟曰家貧丁單母死未葬不願往也踰年貲盡葉大莊約爲江南遊數年歸就葉村居素善小楷獲秘本輒喜鈔錄黃昏潮上魚蝦滿市迹之已攤錢從屠沽兒遊夜歸鼾作如牛同室厭苦閉爲小詩清切可誦光緒甲申宗棠督師再至或諧之曰胡不求見中堂句酒錢乎不可時病日劇或以止酒規不語勸復飲笑言漸作死年六十